

江氏音學十書

古韻部肇於宋鄭庠分二百六韻爲六

三近觀山顧氏更析爲十部其入聲四發

析爲卅三部其入聲八此余師休寧戴氏所謂古音

之學以漸加詳者也丙戌丁亥間余讀毛詩有見于

支脂之之當分爲三尤侯真文之當各分爲二因定

爲十七部東原師善之丁酉作聲類表取余說之分

支脂之者而更析脂祭爲二得十六部其入聲九嗣

後曲阜孔氏摛約亦善余說作詩聲類更析東冬爲

二併真文爲一析屋沃以分隸尤侯別出緝合九韻

爲一得十八部戴氏所謂以漸加詳者至此亦綦備

矣今年春歛江君晉三寓書于余論音余知其未見
戴孔之書也而持論與之合余甚偉其所學之精秋
九月謁余枝園出所著書請序余諦觀其書精深邃
密蓋余與顧氏孔氏皆一於考古江氏戴氏則兼以
審音而晉三于二者尤深造自得據詩經以分廿一
部大抵述顧氏江氏及余說爲多其脂祭之分獨見
與戴氏適合者也析屋沃以分隸尤侯改質櫛屑以
配脂齊獨見與孔氏適合者也東冬之分則近見孔
氏之書而取者也於前人之說皆擇善而從無所偏
徇又精于呼等字母之學不惟古音大明亦且使今

韵分爲二百六部者得其剖析之故前人論入聲
最多岐未有能折衷至當者晉三則專據說文之偏
旁諧聲及周秦人平入同用之章爲據作入聲表一
卷尤爲精密不惟陸氏分配之誤辨明卽江戴異平
同入之說亦可不必其眞知確見有如此者當聞六
經者聖人之道無盡藏也凡古禮樂制度名物之昭
著義理性命之精微求之六經無不可得雖至千萬
年而學士大夫推闡容不能盡無他經之所蘊深也
韵其一端耳無不讀詩經者唐宋元乃尅知詩之韵
明陳良友顧氏以此晉三皆就經文韻誦而所得日

深幾無剩義信乎天下之學無不可求諸經其謂經有不載者皆忽焉而不求求之而不詳者也抑余重有感焉恨我不見古人亦恨古人不見我古所云也余謂恨我不見今人亦恨今人不見我余于江氏孔氏每有彼此不相見之恨猶幸得見余師戴氏今又幸得見吾晉三是二人者皆有知我之樂焉皆有互相挹注之益焉假令天不假我以年余卽獲親戴氏而不獲見晉三安能知晉三集音學之成于前此五家皆有匡補之功哉晉三不見我有不嘆得一知己可以不恨哉晉三富于春秋精進未有艾余耄不及

見而固知其所學焉必皆能深造也嘉慶壬申十月
金壇段玉裁撰于姑蘇朝山墩之枝園時年七十有
八

江氏音學十書總目

歙江有誥晉三學

、詩經韻讀

、羣經韻讀

、楚辭韻讀 附宋賦

、先秦韻讀

、漢魏韻讀 未刻

、廿一部韻譜 附通韻譜合韻譜借韻譜

、諸聲表

、入聲表

四聲韻譜

唐韻四聲正

附

說文彙聲

說文質疑

繫傳訂訛

等韻叢說

音學辨訛

寄段茂堂先生原書

壬申三月

有誥讀劣無知惟好音韻之學曩者有志於此不得其門而入也博觀毛西河邵子湘諸公之說當時雖不敢以爲非然覺其言之澁淺而無岸涘及見顧氏之音學五書江氏之古韵標準四聲切韵表嘆其言之信而有徵謂講音學者當從此入矣後得先生所著六書音均表讀之益佩其造詣深邃眞能復三代之元音發唐宋以來未宣之秘足與顧江二君子參分鼎立者惟先生而已但其書宏綱大體固已極善而條理似未盡密還淳方氏有言學者當爲宋儒靜

臣不當爲宋儒佞臣有誥敢爲先生諍臣而獻其疑
焉表中於顧氏無韵之處悉以合韵當之有最近合
韵者有隔遠合韵者有誥竊謂近者可合而遠者不
可合也何也著書義例當嚴立界限近者可合以音
相類也遠者亦謂之合則茫無界限失分別部居之
本意矣表中謂宵部無入其入聲字皆讀爲平有誥
則謂不若割沃覺藥鐸錫之半爲宵入不必全以沃
覺配幽藥鐸配魚錫配支也表中又以屋沃燭覺均
爲幽入有誥則謂當以屋沃之半配幽以燭與屋覺
之半配侯也細爲按之四韵中如六孰肅去畜祝解

夏肉毒何目竹逐曼弼曰等聲皆幽之入也角族屋
獄足束賣辱曲玉吉蜀木录粟業豕卜局鹿谷等聲
皆侯之入也匪獨詩易如此分用卽周秦漢初之文
皆少有出入者如此則表中第三部之驅附奏垢等
字當改入侯部不必爲幽之合韵矣第四部裕字乃
其本音不必爲侯之合韵矣表中又以侵鹽添爲第
七部覃談六韵爲第八部有誥則謂當改召晏之玷
貶入八部而以侵覃爲一類談鹽以下爲一類也表
中又以質櫛屑配眞臻先有誥竊考古人平入合用
之文唐韵偏旁諧聲之字而知此三韵之當配脂齊

與術迄物黠沒爲一家眷屬不可離而二之也以等
韵言之質櫛者脂開口之入也術者脂合口之入也
迄者微開口之入也物者微合口之入也屑者齊之
入也黠者皆之入也沒者灰之入也如此則十五部
之疾至闕等字皆其本音不必爲脂之合韵矣以上
數條皆致疑之大者管見如斯未知有當高明否也
抑鄙見猶有說焉去之祭泰夬廢入之月曷末鏽薛
表中并入脂部有誥考此九韵古人每獨用不與脂
通蓋月者廢之入曷末者泰之入夬者鏽之入祭者
薛之入其類無平上與至未質術之有平上者疆界

迴殊則此九韵當別爲一部無疑也緝合九韵之配
侵覃歷來舉無異說有誥則謂平入分配必以詩騷
平入合用之章爲據支部古人用者甚少詩易左傳
楚辭僅三十九見而四聲互用者十之三今考侵覃
九韵詩易左傳楚辭共五十七見緝合九韵詩易大
戴楚辭共二十二見並無一字合用者卽遍考先秦
兩漢之文亦無之檢唐韵之偏旁又復殊異蓋幾於
此疆爾界絕不相蒙烏能強不類者而合之也則當
以緝合爲一部益葉以下爲一部其類無平上去蓋
四聲之說起於周沈本不可言古韵又况冬無上祭

泰夫廢無平上原非每部鑒定四聲也如此增立三部合先生之所分共二十部有詰據此撰爲詩經韻讀羣經韻讀楚辭韻讀先秦韻讀古韻譜等書又先生之十七部諸聲表實從來講古韻者所未見及但有詰於先生之部分既有更改平入分配閔有異同謹更爲諸聲表一卷韻學談及入聲尤難有明章氏著韻學集成分配全誤顧氏一正之而得者半失者半江春齋再正顧氏而得者十之七失者十之三蓋不專以三代之經傳許氏之諸聲爲據而調停舊說是以未能盡善有詰因之更爲入聲表一卷而以古

音總論等韵叢說說文質疑繫傳訂訛音學辨訛附
焉已上書繕寫已成又有說文集聲漢韵讀唐韵再
正三書尙未脫稿今謹將論撰大意先達座右再容
執贄登堂面求誨正錫以弁言無任冒昧之至惟先
生恕其狂愚而辱教焉則幸矣有誥再拜

復書五千
餘言具載

先生文集
中茲不錄

有誥于壬申三月寄書于先生七月接到復書謂
能閉門造車出而合轍以與戴孔之說不謀而合
也九月執弟子禮謁先生于蘇下榻枝園之西窗
往復辨難拙箸之紕繆賴先生誨正者數十事有

三
詰一得之愚亦必蒙先生聽納先生箸書宏富詩
書周禮說文古文皆哀然成集有詰于先生之學
無能爲役惟音學一事稍窺涯涘亟蒙先生見賞
故首錄是書以見先生之舍己從人不自滿假其
與世之涇涇自是者相去蓋不可道里計也有詰

附記

王石臞先生來書

先生名念孫字懷祖江蘇高郵人

王念孫再拜晉三兄足下往者胡竹邨中翰以大箸詩經韵讀見贈奉讀之下不勝佩服念孫少時服膺顧氏書年二十三入都會試得江氏古韵標準始知顧氏所分十部猶有罅漏旋里後取三百五篇反覆尋繹始知江氏之書仍未盡善輒以己意重加編次分古音爲二十一部未敢出以示人及服官後始得亡友段君若膺所撰六書音均表見其分支脂之爲三眞諄爲二尤侯爲二皆與鄙見若合符節唯入聲之分合及分配平上去與念孫多有不合嗣值官務殷繁久荒舊業又以侵

談二部分析未能明審是以書雖成而未敢付梓已酉仲秋段君以事入都始獲把晤商訂古音告以侯部自有入聲月曷以下非脂之入當別爲一部質亦非眞之入又質月二部皆有去而無平上緝蓋二部則無平上而並無去段君從者二

謂侯部有入聲及分術月爲二部

不從者三自

段君而外則意多不合難望鍾期之賞而鄙書亦終未付梓及奉讀大箸則與鄙見如趨一軌不覺狂喜嗟乎段君歿已六年而念孫亦春秋七十有八左畔手足偏枯不能步履精日銷亡行將繼段君而去矣唯是獲覩異書猶然見獵心喜曩者李許齋方伯聞念孫所編入

雖有與段君不合者曾走札相詢今將復札錄出寄呈
教正然其中有與大箸不合者好學深思心知其意者
無如足下故敢畧言其概焉段氏以質爲眞之入非也
而分質術爲二則是足下謂質非眞之入是也而合質
於術以承脂則似有未安詩中以質術同用者唯載馳
三章之濟閭皇矣八章之類致是類與是致爲韻是禡與是附爲韻類致禡附
皆通也抑首章之疾戾不得因此而謂其全部皆通也有詩
按尚有終風三章之喧簾是未引首二章弟三句皆入韻則麻字不得謂非韻若賓之初筵二
章以洽百禮百禮既至此以兩禮字爲韻而至字不入
韻四海來格來格其祁亦以兩格字爲韻凡下句之上

二字與上句之下二字相承者皆韻也質術之相近猶術月之相近候人四章之蒼蔚出車二章之旆奔雨無正二章之漙漙勸小弁四章之漙漙居寐采芣二章之漙漙駟屈生民四章之旆旆術月之通較多於質術而足下尙不使之通則質術之不可通明矣念孫以爲質月二部皆有去而無平上術爲脂之入而質非脂之入故不與術通猶之月非脂之入故亦不與術通也孔氏分東冬爲二念孫亦服其獨見然考蓼蕭四章皆每章一韻而第四章之冲冲離離旣相對爲文則亦相承爲韻孔以冲冲韻濃離離韻同似屬牽強旄邱三章之戎

東同孔謂戎字不入韵然蒙戎爲疊韵則戎之入韵明矣左傳作虤茸亦與公從爲韵也又易彖傳象傳合用者十條而孔氏或以爲非韵或以爲隔協皆屬武斷又如離騷之庸降爲韵凡若此者皆不可析爲二類故此部至今尙未分出又讀大箸古韵總論有獻疑數處別錄呈正大箸自詩經韵讀而外念孫皆未之見并希賜讀以開茅塞海内存知己天涯若比鄰愛而不見悵何如之念孫再拜

復王石臞先生書

石臞先生閣下十月二十八日接胡竹邨中翰寄到先

生手書反覆觀誦不勝雀躍伏念有誥以無師之學鼓其臆說雖篤于自信而絕渺知音後得段茂堂先生推許竊自幸得一知已可以不恨今又蒙先生如此嘉獎有誥益可以無恨矣來書謂拙著與先生尊見如趨一軌所異者惟質術之分合耳曩者有誥于此條思之至忘寢食而斷其不能分者有數事焉論古韵必以詩易楚辭爲宗今此部于詩易似若可分而楚辭分用者五章九歌東君之節日遠遊之一逸招魂之日瑟高唐賦之室乙畢四條爲質部字高唐賦之物出一條爲術部字合用者七章九章懷沙之抑替替从白聲悲回風之白古自字

至比九辨六之濟至死風賦之慄欬高唐賦之出忽失
宿賦之節結一出疾釣賦之失術楚辭而外則尤犬牙
相錯平側不分其不能離析者一也段氏之分真文孔
氏之分東冬人皆疑之有誥初亦不之信也細細釋之
真與耕通用爲多文與元合用較廣此真文之界限也
東每與陽通冬每與蒸侵合此東冬之界限也今質術
二部詩中與祭部去入合用十一章旄邱之葛節日正
月之結厲滅厲十月之交之徹逸賓之初筵之設逸此
質之與祭合也候人之舊尉出車之旆瘁雨無正之滅
戾勸小弁之鳴居游寐采芣之泝嚙駟屬皇矣之麟柂

生民之施鍵此術之與祭合也亦無平側賓主之辨其不能離析者二也唐韵去入二聲分承平上統系分明今若割至霽與質櫛屑別爲一部則脂齊無去入矣二百六部中有平去而無上入者有之未有有平上而無去者也且至霽二部爲質之去者十之二爲術之去者十之八賓勝于主無可譬畫若專以質迄櫛屑成部則又有去聲數十字牽引而至非若緝盡九韵之絕無攀緣也有誥于四聲之配合有人聲表一卷言之甚詳此段氏質術之分有誥所以反覆思之而不能從也先生又謂賓之初筵詩以二禮字韵至字不入韵然下三句

以王林湛韻末六句以能又時韻則此二句自當以禮
至韻二百禮二其湛恐非韻也元鳥篇亦當以和河宜
何韻二來格亦恐非韻也考古人歌脂二部合用甚多
楚辭九歌東君以雷蛇懷歸韻遠遊篇以妃歌飛夷蛇
徊韻高唐賦以螭諧哀悽欷韻荀子成相一章以罷私
施移韻文子上德篇以類遂施韻漢人合用尤廣其書
可覆按有誥所以不敢爲苟同之論也辱蒙糾正各條
俱甚切當有誥于總論已芟去于大文已改正矣承索
拙箸各種但拙箸甚繁家貧無力刊布今將已刻數種
敬呈座右仍望先生糾其紕繆而賜教焉則幸甚幸甚

有結再拜

古韵廿一部總目

之部第一

唐韵平之哈上止海去志代入職德 仄賄隊尤有
宥屋三分之一 顧氏江氏冷于弟二部段氏之弟
部一

幽部第二 尤字入之部故改用幽字標目

唐韵平尤幽上有黠去宥効 蕭肴豪篠巧皓嘯效
號之半入沃之半屋覺錫三分之一 顧氏合于弟
五部江氏之弟十一
部段氏之弟三部

宵部第三

唐韵平宵上小去笑 蕭肴豪篠巧皓嘯效號之半
入沃藥鐸之半覺錫三分之一 顧氏之弟五部江
氏之弟六部段
氏之弟二部

侯部第四

唐韵平侯上厚去侯入燭 虞虞遇之半屋覺三分之一 顧氏合于弟三部江氏合于弟十一部段氏力弟四部

魚部第五

唐韵平魚模上語姥去御暮入陌 虞虞遇麻馬禡之半 入藥鐸麥昔之半 顧氏江氏之弟三部段氏之弟五部

歌部第六

唐韵平歌戈上哿果去箇過 麻馬禡之半支紙寘三分之一 無入聲 顧氏之弟六部江氏之弟七部段氏之弟十七部

支部第七

唐韵平佳上蟹去卦 齊齊齊之半支紙寘三分之一
一入麥昔之半錫三分之一 顧氏江氏之弟二部
段氏之弟
十六部

脂部弟八

唐韵平脂微皆灰上紙尾駭賄去至未怪隊入質術
櫛物迄沒屑 齊齊齊暨點之半支紙寘三分之一
顧氏江氏合于弟二部
段氏之弟十五部

祭部弟九

唐韵去祭泰夬廢入月曷末鎋薛 點之半 無平
上 顧氏江氏合于弟二部 段氏合于弟十五部

元部弟十

唐韵平元寒桓山刪僊上阮旱緩潜產術去願翰換
諫禍線 先銑霰三分之一 無入聲 顧氏合于
弟四部 江氏之弟五部
部 段氏之弟十四部

文部弟十一

唐韵平文欣魂痕上吻隱混很去問煥恩恨 眞軫
震三分之一 諄準稕之半 無入聲 顧氏江氏
之弟四部段氏
之弟十三部

眞部弟十二

唐韵平眞臻先上軫銃去震霰 諄準稕之半 無
入聲 顧氏江氏合于弟四部段氏之弟十二部

耕部弟十三

唐韵平耕清青上耿靜迥去諍勁徑 庚梗映之半
無入聲 顧氏之弟八部江氏之弟九部段氏之

弟十
一部

陽部弟十四

唐韵平陽唐上養蕩去漾宕 庚梗映之半 無入
聲 顧氏之弟七部江氏之弟八部段氏之弟十部

東部第十五

唐韵平鍾江上董腫講去用絳 東送之半 無入聲 顧氏江氏之弟一部段氏之弟九部

中部第十六

冬部甚窄故用中字標目

唐韵平冬去宋 東送之半 無上入 顧氏江氏合于弟一部段氏合于弟九部

蒸部第十七

唐韵平蒸登上拯等去證嶝 無入聲 顧氏之弟九部江氏之弟十部段氏之弟六部

侵部第十八

唐韵平侵覃上寢感去沁勘 咸賺陷凡范梵之半 無入聲 顧氏之弟十部江氏之弟十二部段氏

之弟七部

談部第十九

唐韵平談鹽添嚴銜上取琰忝嚴檻去闕鑑榛隱鑑
咸賺陷凡范梵之半 無入聲 顧氏合于弟十
部江氏之弟十三
部段氏之弟八部

葉部弟二十

唐韵入葉帖業狎乏 盍洽之半 無平上去 顧
氏合于弟十部江氏入聲之弟八部段氏合于弟入
部

緝部弟廿一

唐韵入緝合 盍洽之半 無平上去 顧氏合
于弟十部江氏入聲之弟七部段氏合于弟七部

右方離析唐韵以合古部分特舉其大綱其間有
他韵字而闌入本部有本部字而錯出他韵者四
家書注之已詳後不復贅

凡例

拙書撰輯悉本顧亭林江春齋段茂堂三先生之說而推闡之精益求精益求密不敢妄爲立異亦不苟爲雷同

自周沈四聲定而古音失法言切韻作而古音之部分失宋吳才老首復古韻特未免隨文牽就於古之正音古之部分蓋茫乎未之知也鄭氏庠作古音辨始分六部雖分部至少而仍有出韻蓋專就唐韻求其合不能析唐韻求其分宜無當也明陳季立始知叶音卽古本音誠爲篤論然于古韻部

分亦未之知也 國朝崑山顧氏始能離析唐韵
以求古韵故得十部然猶牽於漢以後音也婺源
江氏始專就三百篇以求古韵故得十三部然猶
惑於今人近似之音也金壇段氏始知古音之絕
不同今音故得十七部古韵一事至今日幾如日
麗中天矣取而譬之吳才老古音之先導也陳季
立得其門而入也顧氏江氏則升堂矣段氏則入
室矣

段氏以去之祭泰夬廢入之月曷末鎋薛附於脂部
愚考周秦之文此九韵必是獨用其與脂部合用

者不過百中二三而已八士命名各分四韵達括
一韵突忽一韵蓋卽四名而二部之分瞭然矣故
別出此九韵爲一部得十八部

昔人以緝合九韵分配侵覃愚遍考古人有韵之文
唐韵之偏旁諸聲而知其無平上去

詳見入聲表

故別

分緝合及洽之半爲一部益葉帖狎業乏及洽之
半爲一部

拙箸旣成後始得見休寧戴氏聲類表曲阜孔氏詩
聲類因依孔氏畫分東冬

今改爲二得廿一部

古人同聲之字必是同部取三代有韵之文證之說

文諧聲大抵脗合自法言聲與韻分於是一母聲也而母字入厚悔字入賄敏字入軫海字入海一者聲也而者字入馬瘖字入模渚字入語一各聲也而各字入鐸路字入暮客字入陌如此者不可勝數古韵晦冥之故職由於此段氏諧聲表一作所爲能補顧江二君之未逮也

古韵無四聲明陳氏已發其端江氏申明其說者不一而足然標準仍分平上去入四卷則自亂其例矣想脊齋於去入不能配合故聽其各見耳蓋寘至廢十三部當析爲四入聲自質至薛十三部并

職德二部昔錫二部之半亦當析爲四以配之標
準於去聲自寘至廢十三部則合爲一入聲自質
至德十七部則析爲四故不能配合耳愚于韵譜
一依經文詮錄不分四聲庶見古韵廬山眞面也
顧氏改侯從魚脊齋改侯從尤均未善也段氏以尤
幽爲一部侯與虞之半別爲一部雖古人復起無
以易矣但入聲亦當畫開段氏以屋沃燭覺均爲
幽之人侯部無入故于小戎之驅角弓之裕附楚
茨之奏桑柔之垢左氏衛絳辭之寶離騷天問之
屬皆以爲合韵今細考之屋沃之半尤幽及宵通

尤之入也燭與屋覺之半侯虞相通之入也

詳見入聲

表諸聲表

蓋有開口無合口者尤幽有合口無開口者

魚模侯以開口近幽故次尤幽其合口入于虞故次魚模而入聲遂誤合於一然必魚幽之外別有其音今則不可知矣

說文雖主訓形然古人聲從形生不遵說文點畫無由知得聲之本如𣎵从大聲而隸作泰𣎵从屯聲而隸作春卯音卿而借爲寅卯之卯草爲染阜字而借爲艸木之艸諸如此類不可悉數但今人通音學已罕再作說文字體愈令人難讀故不得不

从隸書惟諧聲表一卷既專就說文論音則不得不遵說文點畫矣

陳氏毛詩古音考率用直音於無可音之字多借相近者音之脊齋譏其謬誤故標準悉用切音然初學或有不知翻切者則猶不得門而入也愚故仍用直音無的當可音之字乃以切代之庶可便於初學亦不致見誚於通人

字母之學雖出於後世然實天地自然之理今音雖與古異而母則不異索中庸作素而索素同心母曷孟子作害而曷害同匣母州穀梁作祝而州祝

同照母毫公羊作蒲而毫蒲同滂母姬魯人作居而姬居同見母登齊人作得而登得同端母昧左傳作沒而昧沒同明母戲大學音呼而戲呼同曉母故注古音者必從字母轉紐乃確不可易

吳氏韵補顧氏詩本音從本音轉紐爲多亦間有不
用本音者如角字因秦有角里先生而遂音祿羹
字因楚有不羹城而遂音郎以一隅之方音改易
本音實爲未安茲所注之音悉從字母轉紐惟舌
上與輕唇正齒無字可音間用古隔類切

切音之下一字愚悉取諸古音本部不欲泛出他韵

雖用昔人之音亦不得不改昔人所用之字觀者
審之

佳與支皆灰與脂咍與之寒刪與元仙談與鹽去聲
泰夬與祭廢入聲沒屑與質曷與薛德與職雖相
去不遠而斂侈迥異戴氏謂古音多斂今音多侈
茲悉取侈音而斂之所以復古音也亦以便人誦
讀也

顧氏謂古人一字止有一音

四聲互用
不在此例

嘉定錢氏議

其固滯然兩漢魏晉固有一字數音者若三代之
文則無此也至通韻合韻則不得不遷就其音故

以叶別之然亦不過百中一二而已其古音與今音同者雖隔部亦不注以免文繁

凡一字篇中兩見三見者止注于首一字重見者並全前音發凡于此

古無四聲確不可易矣然以今音讀之則聲牙而不協吳氏有以少從多之例施於叶韵未免支離遷就施於四聲自可諧於今無背於古如一章之中平多上少則改上以從平上多平少則改平以從上去入同此例如是則聲韵諸適無詰屈聲牙之患然止注於偶句于奇句則注韵而不改聲以無

關詩之節奏也

戴氏十六部次第以歌爲首談爲終段氏十七部次第以之爲首歌爲終孔氏十八部次第以元爲首緝爲終以鄙見論之當以之弟一幽弟二宵弟三蓋之部閉通幽幽部或通宵而之宵通者少是幽者之宵之分界也幽又通侯則侯當次四侯近魚魚之半入於麻麻之半通於歌則當以魚次五歌次六歌之半入於支支之一與脂通則當以支次七脂次八脂與祭合則祭次九祭音近元說文諸聲多互借則元次十元閒與文通眞者文之類則

當以文十一眞十二眞與耕通則耕次十三耕或
通陽則陽次十四晚周秦漢多東陽互用則當以
東十五中者東之類次十六中閒與蒸侵通則當
以蒸十七侵十八蒸通侵而不通談諫通侵而不
通蒸是侵者蒸談之分界也則當以談十九葉者
談之類次二十緝閒與之通終而復始者也故以
緝爲殿焉如此專以古音聯絡而不用後人分配
入聲爲紐合似更有條理

詩集傳之誤顧氏辨之詳矣但詩本音之誤亦復不
少蓋顧氏止知古有十部不知古有廿一部故往

往以不入韵爲韵又泥于唐韵次第不明古部次第通用之理故于詩之中侵易之眞耕通用者指爲方音其餘則以爲無韵孔氏詩聲類雖有補正三家之處乃臆爲陰陽九聲之說穿鑿武斷功過相參愚止就經文平心涵泳證合他書不強古以就我不泥一以窒全於正韵者○之隔句換韵者口之其可韵而不必以爲韵者口之閱者將二家之書對校其得失自明云

唐宋人不知古韵杜韓歐蘇作爲古詞詩雜文能臻古體而未達古音吳才老雖云復古無論其部分

茫如卽所注之音亦多錯誤良由七音未細聲紐未精顧氏詩本音臚列唐韵使學者卽唐韵以求古部分然不注明音切淺者視之仍茫然也茲編注明音切折中今古庶使學者易得其門而入

古有正韵有通韵有合韵最近之部爲通韵隔一部爲合韵詩經用正韵者十之九用通韵者百中之五六用合韵者百中之一二計三百五篇除周頌不論其國風大小雅商魯頌其詩一千百十有二章通韵六十見合韵十餘見不得其韵者數句而已知其合乃愈知其分卽其合用之故而因以知

古部之次第並可知唐韵誤合之由別爲譜錄使學者有所考焉

拙箸論聲非論形然俗書有太荒謬者如夷字已从火而復加火旁作燼州本从重川而復加水旁作洲左手之左本作ナ則左助字正當作左而復加人旁爲佐持从爪而誤从夕作持如此者閼辨一二使學者知究心說文不致沒于流俗

國朝深明古韵者五人戴氏未有專書大旨見聲類表顧氏之書經江載二家訂正江氏之書又經段孔二家訂正但段孔之書尙有誤處不得不據鄙見

凡例
糾出因四家之書實足以信今傳後故摘其微瑕
以成全璧他人謬悠之說則置之不論云

寒家在徽郡城內海內博雅君子有肯糾正拙書者
務祈郵函賜教焉

古韵總論

詩中有互韵一格如北門已焉哉三句以哉之韵而中間又以爲何韵巧言末章以何多韵中間又以伊幾韵蓼莪三章以久耻恃韵中間又以父怙韵

古人有一句二韵者如蓼兮蓼兮婉兮變兮是也有半句互協者如冽彼下泉四句上莞下簟二句是也有一句一轉韵而韵在句中者如老子名與身孰親七句我無爲而名自化四句韓非子名正物定二句是也有一句藏三韵者如史記甌婁滿篝二句是也有一句藏四韵者如楚辭將突梯句及將促訾句是

也有一句首尾爲韻者如老子禍兮福所倚二句是也有兩句字字協者如有滿濟盈二句是也

後人雙聲疊韻之說亦肇于詩卷耳首章之傾筐三章之高岡元黃雙聲也二章之崔嵬隤隤疊韻也東山二章之果臝疊韻也叮嚀熠燿雙聲也伊威蠨蛸雙聲兼疊韻也日月之下土古處四牡之倏遲懷歸邱中有麻之有李之子佩玖瞻卬之成城傾城皆疊韻也

詩中有全用一韻者有兩三句一轉韻者有一三句二四句交互換韻者交互換韻最宜明若不審細便

不知古韵分部之密如瞻印五章一三句支部韵也
二四句之部韵也五七句陽部韵也六八句脂部韵
也

漢人往往避諱改古書如詩下民有莊與下遑韵天
問能流厥莊與上亾韵莊改爲嚴避明帝諱也老子
修之邦與下豐韵邦改爲國避高帝諱也史記啓字
悉改爲開避景帝諱也然則古韵闕有不合未必非
漢人所改

秋杜之獨行曩曩陸德明音義本作熒亦作熒求營
反孔氏云文選注引作熒熒愚按說文引左傳嬖嬖

在疚今本左傳作熒則知杖杜詩必是熒字之訛
顧氏改鮮音犀孔氏從之愚按鮮从義省聲史游急
就章與礪然蟬綿鏐連便全纏遷銓緣韵尙書大傳
西方者何鮮方也古讀西如仙从鮮之鮮廕癰蟬鮮
字皆入仙獮韵支韵之霽未必非聲紐之誤或从雨
鮮會意而說文誤多聲字也注云小雨鮮訓少蓋雨之少者爲霽故仍
從段氏入元部而以新臺爲合韵

孔氏以枕字在侵部遂改澤陂之舊字入侵而以經
文儼字爲誤引說文作熒然召聲十餘字唐韻皆入
談類監从鮑省聲鮑从召聲則召聲當入談部明矣
孔又謂易入于坎審與枕爲韻不知乃與上句坎爲
韻也觀初六爻辭以坎審韻可知矣段氏以尤聲入

談部而于岷之無與士耽不能合謂當作堪然中庸
引常棣和樂且湛亦作耽則湛耽古本一字蓋尤聲
確在侵部澤陂之儼亦無庸改作嬪此章乃侵談通
韻耳故必明乎各部皆有通韻而後了無窒礙

段氏以滿聲入元部的矣孔氏改入眞部據大車詩
耳然詩外凡滿聲字皆與元部協唐韻亦入元寒類
爲多則知詩乃元文通韻孔氏蓋未嘗博考他書也
段氏以免聲入文部孔氏以免聲入眞部據新臺詩
耳然詩外凡免聲字皆與元部協唐韻悉收入元寒
類則知詩亦是元文通韻

狄國語作翟玉藻夫人掄狄君命屈狄注當爲翟君
子偕老其之翟也鄭箋云侯伯夫人之服自綸翟而
下卽玉藻之掄翟則知古狄翟字通用此章之翟當
作狄惟簡兮之翟乃其本音

桑扈之郊當依說文作儺竹竿之儺陽桑之難當作
那葢三字皆屬舌頭泥母故彼此互訛

無將大車二章戒與塵不協宋劉彝改作痕然痕字

廣韵所無僅見于集韵似不足據故段氏仍作底指爲合韵然底屬支塵屬文相去甚遠不能合韵孔氏改作底以自實其陰陽相配之說然底乃脂之重文廣韵注皮厚也于詩義不協惟戴氏以爲當是瘖字之訛此說得之蓋傳寫者脫其半耳廣韵底與瘖皆注病也訓詁正同

林杜四章近字从斤得聲乃文部字不得與偕邇韵考詩中排句原有不與上下韵者君子偕老二章瑱天字不與髦掃哲帝韵斯干首章弟字不與苞茂好猶韵茗華首章憂字不與黃傷韵旄邱首章伯字不

希言
五
與葛節日韵則此句本不入韵顧氏改音爲記孔氏
以爲陰陽聲同用皆非

委字說文从禾从女顧氏以爲當是禾聲改音於戈
反引曲禮主佩垂則臣佩委爲證然曲禮此處本無
韵不足爲據可據者綏萎字皆从委得聲詩無木不
萎與鬼韵檀弓哲人其萎與頽壞韵成人歌綏與衰
韵則委字斷非音於戈反段氏以委聲入脂部的矣
孔驥軒仍从顧氏以自實其歌元相配之說乃以萎
與怨韵鬼字與上章合韵則大誤矣

石經論語殘碑則哀矜而勿喜矜从令漢校官碑矜

孤頤老魏受禪表哀矜庶獄并同見六書正譌矜从
令故詩三見皆與眞部協也

三燭全韵皆虞通侯之入采綠詩每章一韵惟首章
乃幽侯合韵孔氏以綠沐爲一韵羽局爲一韵而改
局聲爲幽之入然管子白心篇大者寬小者局與下
足字韵酈炎見志詩以局與促足濁錄卜曲祿嶽韵
唐韵局聲十餘字皆入燭韵孔氏何所據而改耶
侯部詩凡五十七見皆不入幽韵惟此及棧樸首章
襍出然不害其爲分無庸曲爲之說也

孔氏因說文已讀若含以含从今聲涵从已聲韓非

以岑鼎爲讒鼎遂改巧言之涵讒入侵部然許氏乃
後漢人所云讀若某者多不足據韓非以岑爲讒則
以岑讒同屬正齒牀母聲紐誤耳考管子侈靡篇先
其大者之爲自犯與下瞻韵太元經度贊垂其范與
上檢韵窮贊不失其範與上坎韵範犯范字皆从已
得聲仍歸談部爲是

常棣四章顧氏破戎爲汝引戎雖小子戎有良翰以
修我戎爲證愚按戎雖小子戎有良翰義可訓汝若
烝也無戎以修我戎改音爲汝韵雖協而義乖矣孔
氏謂與朋爲冬蒸通韵愚考全詩通例第三句與弟

四句韵者數章并見恒在前章皇華之載馳載驅與
二章韵不與三四五章韵宛邱之無冬無夏與二章
韵不與三章韵此詩每有良朋句既見于三章不應
四章反與末句爲韵且詩中四句成章從未有三句
起韵者此必是戎字傳寫誤耳顧孔之說皆不可從
生民三章當移平林二句在先以二林字韵也隘巷
二句次之以字之與下翼之韵也疑是錯簡

詩中八句交互隔協者每缺第七句不韵沔水之莫
肯念亂正月之樛維師氏桑柔之其何能淑板之先
民有言出車之王事多難皆七句也惟自西徂東以

五句不韵愚謂當作自東徂西西與慙辰瘖元文通韵傳寫者誤倒其文耳

常武之以修我戎當作武說文武从戈从止作武戎从戈从甲作戍二字相似故訛

段氏孔氏皆以占聲乏聲入侵部按說文占聲廿餘字唐韵皆入鹽類入聲者入葉類惟砧字入侵乃說文新附字不足爲據貶字說文从貝从乏不云乏聲卽作乏聲亦屬葉部字楊雄長楊賦以乏與業韵可證總與侵部無關也孔氏以腫韵有璽字爲據然廣韵注云亦作泛蓋璽泛皆屬輕唇非母故腫韵誤收

聲紐誤耳

名髮五章當以綿替韵支脂通也段氏孔氏皆以替
引爲韵按替从白聲白古文自唐韵收入霽霽脂之
類也楚辭懷沙與抑韵張衡東京賦與結節譎秩韵
皆脂之入也从替聲者有借字入屑韵亦脂之入也
離騷之韵艱乃借韵耳段氏誤以質櫛屑配眞故訛

孔氏既以質櫛屑屬脂乃專以離騷爲據而置懷沙
張賦說文不引甚誤

詩經韻讀目錄

音學十書之一

欽 江有誥晉三學

卷一

國風

卷二

小雅

卷三

大雅

卷四

三頌

詩經韻讀卷一

國風

周南

關關雎鳩在河之洲說文作州窈窕淑女君子好逑幽部

參差荇菜左右流之窈窕淑女寤寐求之幽部
不得丁力反寤寐思服扶逼反悠哉悠哉輾轉反側苗入聲

參差荇菜左右采之此止反之窈窕淑女琴瑟友之音以反
之部參差荇菜左右芼之窈窕淑女鐘鼓樂之去聲

宵部

關雎三章

葛之覃兮施于中

谷

与木協

維葉萋萋黃鳥于飛集于

漼

侯部

其鳴喈

喈

音飢脂部

葛之覃兮施于中

谷

与上章遙韵

維葉莫莫

模入聲

是刈是

漼

胡入聲

為絺為綌

綌

入聲

服之無

斁

余入聲魚部

言告師氏言告言

歸

薄汚我

私

薄澣我

衣

脂部害澣

害

方部反

歸寧父

母

滿以反之部

葛覃三章

采采卷耳不盈傾

筐

嗟我懷人寘彼周

行

音杭陽部

陟彼崔嵬

音危

我馬虺隤

徒危反

我姑酌彼金罍

音累

音累

維以不永懷

胡危反

脂部

陟彼高岡

我馬元黃

我姑酌彼兕觥

音光

維以不永

傷陽部

傷陽部

陟彼

矣我馬

瘡矣我僕

痡矣云何

吁矣

魚部

魚部

魚部

魚部

卷耳四章

南有樛木

葛藟

之樂只君子

福履綏之

脂部

脂部

脂部

脂部

南有樛木

葛藟

之樂只君子

福履將之

陽部

陽部

陽部

陽部

南有樛木

葛藟

之樂只君子

福履成之

耕部

耕部

耕部

耕部

樛木三章

螽斯羽詵詵兮宜爾子孫振振兮文部

螽斯羽藋藋兮宜爾子孫繩繩兮蒸部

螽斯羽揖揖兮宜爾子孫蟄蟄兮緝部

螽斯三章

桃之夭夭灼灼其華音華之子于歸宜其室家音姑

桃之夭夭有蕢其實實之子于歸宜其家室脂部

桃之夭夭其葉蓁蓁蓁之子于歸宜其家人真部

桃夭三章

肅肅兔置夫音雌與夫叶豶之丁丁尅尅武因魚部公侯干

城耕部

肅肅兔置施于中達音稷 剋剋武夫公侯好仇幽部

肅肅兔置施于中林剋剋武夫公侯腹心侵部

兔置三章

采采芣苢薄言采此止反 之采采芣苢薄言有音以反 之

采采芣苢薄言擷丁厥反 之采采芣苢薄言捋音劣反 之

祭部

采采芣苢薄言積音吉反 之采采芣苢薄言禘胡吉反 之

脂部

芣苢三章

南有喬木不可**休思**

本作息今从韓詩

漢有遊女不可**求思**

幽部

漢之**廣**矣不可**泳**

音養

思江之**永**

全上

矣不可

方

上聲

思 陽部

翹翹錯薪言刈其**楚**之子于歸言秣其**馬**

音姥魚部

漢之

廣矣不可**泳**思江之**永**矣不可**方**思

翹翹錯薪言刈其**藎**

音婁

之子于歸言秣其**駒**

音鈎侯部

漢之**廣**矣不可**泳**思江之**永**矣不可**方**思

漢廣三章

遵彼汝墳伐其條**枚**

音眉

未見君子惄如調**飢**

脂部

遵彼汝墳伐其條**肄**既見君子不我遐**棄**

脂部

魴魚頰尾王室如燬雖則如燬父母孔邇脂部

汝墳三章

麟之趾振振公子之部于嗟麟兮与下二章遙韵

麟之定振振公姓耕部于嗟麟兮

麟之角音谷振振公族侯部于嗟麟兮

麟之趾三章

召南

維鵲有巢維鳩居去聲之之子于歸百兩御之魚部

維鵲有巢維鳩方之之子于歸百兩將之陽部

維鵲有巢維鳩盈之之子于歸百兩成之耕部

鵲巢三章

于以采蘋于沼于沚于以用之公侯之上聲事

于以采蘋于湖之中于以用之公侯之中部宮

被之僮僮夙夜在公東部被之祁祁薄言還歸脂部

采芣三章

嘤嘤草蟲薿薿阜與止未見君子憂心忡忡亦既

見止亦既覯止中部我心則降胡冬反

陟彼南山言采其芣未見君子憂心懷懷亦既見止

亦既覯止我心則說祭部

陟彼南山言采其芣未見君子我心傷悲亦既見止

亦既覯止我心則夷脂部

草蟲三章

于以采蘋南湖之濱眞部于以采藻于彼行洊宵部

于以盛之維筐及筥于以湘之維錡及釜魚部

于以奠之宗室牖下音戶誰其尸之有齊季女魚部

采蘋三章

蔽芾甘棠勿剪勿伐吠入召伯所茇音覺

蔽芾甘棠勿剪勿敗別去召伯所憩祭部

蔽芾甘棠勿剪勿敗聲去召伯所說祭部

甘棠三章

厭浥行露豈不夙夜音琅謂行多露魚部

誰謂雀無角音谷何以穿我屋誰謂女無家何以速

我獄雖速我獄室家不足侯部

誰謂鼠無牙音吾与何以穿我墉誰謂女無家音姑

何以速我訟平聲雖速我訟亦不女從東部

行露三章

羔羊之皮音婆素絲五紵退食自公委蛇音它委蛇

歌部

羔羊之革音棘素絲五紵委蛇委蛇自公退食之部

羔羊之縫素絲五紵委蛇委蛇退食自公東部

羔羊三章

殷其雷陽部在南山之陽何斯違斯莫敢或遑陽部振振

君子歸哉音茲歸哉之部一三句可

殷其雷苗入聲在南山之側何斯違斯莫敢遑之部息

振振君子歸哉歸哉

殷其雷音戶在南山之下何斯違斯莫或遑魚部處

振振君子歸哉歸哉

殷其雷三章

標有梅謨不反其實七兮求我庶之部士迫其吉兮

脂部

標有梅其實三

音森

兮求我庶士迫其今兮

侵部

標有梅頃筐塹之求我庶士迫其謂之

脂部

標有梅三章

嘒彼小星

與征協

三五在東肅肅宵征

肅部

夙夜在公

寔命不同

東部

嘒彼小星維參與昴

平聲

肅肅宵征抱衾與裯寔命

不猶

幽部

小星二章

江有汜之子歸不我以不我以其後也悔

呼鄙反之部

江有渚之子歸不我與不我與其後也處

魚部

江有^①汜之子歸不我^②過不我^③過其嘯也^④
歌部

江有汜三章

野有^①死麕^②
與春協白茅^③^④
音操之有女懷春^⑤
文部吉士

^⑥誘之^⑦
幽部

林有^①樛^②野有^③死鹿^④白茅純^⑤束有女如玉^⑥
侯部

舒而脫^①^②
他吠反兮無感我^③脫^④兮無使老也^⑤
祭部

野有死麕三章

何彼^①襁^②
與雞叶矣唐棣之^③華^④
音羆曷不肅^⑤
東部王

姬之^①^②
魚部

何彼^①襁矣華如桃^②李^③平王之孫齊侯之子^④
之部

其鈞維何維絲伊緝說文从昏坊本从昏誤齊侯之子平王之

孫文部

何彼穠矣三章

彼茁者葭音姑壹發五豝音述于嗟乎騶虞魚部

彼茁者陸壹發五豝東部于嗟乎騶虞與上章遙韵

騶虞二章

邶風

汎彼柏舟亦汎其流耿耿不寐如有隱憂微我無酒

以敖以游幽部

我心匪鑒不可以茹亦有兄弟不可以據薄言往愬

逢彼之怒

魚部

我心匪石

徐入聲與席協

不可轉

也我心匪席

徐入聲與魚部

不可

卷也威儀棣棣不可

元部

憂心悄悄

愠于羣小

覲閔既多

受侮不少

靜言思之

不

能奮

痛癢有標

宵部

日諸月諸胡迭而微

心之憂矣如匪澣衣

靜言思之

不

能奮

飛

不能奮

脂部

柏舟五章

綠兮衣兮綠衣黃裳

之部

綠兮衣兮綠衣黃裳

陽部

綠兮絲兮女所治兮我思古人俾無訖
音怡兮之部
緇兮綌兮淒其以風我思古人實獲我心侵部

綠衣四章

燕燕于飛
與歸差池其羽之子于歸
脂部遠送于野

音字瞻望弗及泣涕如雨
魚部

燕燕于飛頡之頡之之子于歸遠于將之
陽部瞻望

弗及佇立以泣
緝部

燕燕于飛下上其音之子于歸遠送于南
奴森反瞻望

弗及實勞我心侵部

仲氏任只其心塞淵
一均反終溫且惠淑慎其身先君

之思以劬寡人

眞部

燕燕四章

日居月諸照臨下土乃如之人兮逝不古處胡能有

定寧不我顧

上聲魚部

日居月諸下土是冒乃如之人兮逝不相好

呼瘦

反胡能有定寧不我報

布瘦反幽部

日諸月諸出自東方乃如之人兮德音無良胡能有

定俾也可忘

陽部

日諸月諸東方自出父兮母兮畜我不卒胡能有定

報我不述

脂部

日月四章

終風且^晷顧我則笑諱浪笑^敖中心是悼^{宵部}

終風且^𩇑反^{譏丕}惠然肯來^{音釐}莫往莫來悠悠我思

之部

終風且^𩇑不日有^𩇑寤言不寐願言則嚏^{脂部}

𩇑其陰虺虺其^𩇑音鼎寤言不寐願言則懷^{胡危反}

部

終風四章

擊鼓其^鐙踊躍用^兵聲^{榜平}土國城漕我獨南行^{音杭陽部}

從孫子仲平陳與^宋不我以歸憂心有^仲平聲^{中部}

爰居爰處爰喪其馬

音姥

于以求之于林之下

音戶魚部

歾生契

音缺下同

與子成說

祭部

執子之手與子偕老

盧叟反幽部

于嗟闊兮不我活

胡說反

兮祭部

于嗟洵兮不我信

平聲

兮眞部

擊鼓五章

凱風自南

奴森反

吹彼棘心

侵部

棘心夭天母氏劬勞

宵部

凱風自南吹彼棘薪母氏聖善我無令人

眞部

爰有寒泉在浚之下

音戶

有子七人母氏勞苦

魚部

現皖黃鳥載好其音有子七人莫慰母心侵部

現皖四章

雄雉于飛泄泄其羽我之懷矣自詒伊阻魚部

雄雉于飛下上其音展矣君子實勞我心侵部

瞻彼日月悠悠我思道之云遠曷云能來音釐之部

百爾君子不知德行音杭不忒不求何用不臧陽部

雄雉四章

匏有苦葉濟有深涉葉部深則厲列去聲淺則揭去聲祭部

有瀾與鳴協濟盈有隤以水反雉鳴濟盈不濡軌音九

雉鳴耕部求其牡幽部

雝雝鳴鴈

音彥

旭日始旦

反丁見

士如歸妻迨冰未泮

音片元部

招招舟子

人涉卬否

反方以

人涉卬否卬須我友

音以

匏有苦葉四章

習習谷風

與心協

以陰以雨黽勉同心

侵部

不宜有怒

上聲魚部

采芣采芣無以下體德音莫違及爾同好

脂部

行道遲遲中心有違不遠伊迺薄送我畿誰謂荼苦

其甘如飴宴爾新昏如兄如弟

脂部

涇以渭濁湜湜其沚宴爾新昏不我屑以

之部

毋逝

我梁母發我笱我躬不閱遑恤我後

侯部

就其深矣

与泳協

之舟之就其淺矣

泳

陽部音養

之游之

何有何囚

与寒協

黽勉求之凡民有嚮

陽部

匍匐救

平聲

之幽部

不我能慍反以我爲慍既阻我德賈用不售

平聲

昔

育恐育鞠及爾顛覆既生既育比予于毒

幽部

我有旨蓄亦以御冬宴爾新昏以我御窮

中部

有洸

有潰

音惠

既詒我肄不念昔者伊余來暨

脂部

谷風六章

式微式微胡不歸

脂部

微君之故胡爲乎中霑

魚部

式微式微胡不歸微君之躬胡爲乎泥中

中部

式微二章

旄丘之葛

叶音吉

兮何誕之節

音卽

兮叔兮伯兮何多

日也

脂祭通韵 ○ 脂弟八祭弟九故得通用

何其處也必有與也

魚部

何其久

音己

也必有以也

之部

狐裘蒙戎匪車不東叔兮伯兮靡所與同

東中通韵 ○ 東

五中十六故得通用

瑱兮尾兮流離之子叔兮伯兮衰如充耳

之部

旄丘四章

簡兮簡兮方將萬舞日之方中在前上處

魚部

碩人俟俟公庭萬舞有力如虎執轡如組魚部

左手執籥右手秉翟音濯赫如渥赭公言錫爵宵部

山有榛隰有苓云誰之思西方美人彼美人兮西方

之人兮真部

簡兮四章

瑟彼泉水亦流于淇有懷于衛靡日不思變彼諸姬

聊與之謀謨丕反

出宿于泂飲餞于禰女子有行遠父母兄弟問我諸

姑遂及伯姊脂部

出宿于干音幹飲餞于言元部載脂載澤胡例還車

言邁去聲遄臻于衛悅去聲不取有祭胡例反

我思肥泉茲之永歎他連反思須與漕音愁我心悠

悠駕言出遊以寫我憂幽部

泉水四章

出自北門憂心殷殷終窶且貧莫知我艱音根已焉

哉音茲下同天實為何音講与之謂之何歌部哉之部

王事適我政事一埤益我我入自外室人交徧譌音

我支部已焉哉天實為之謂之何哉

王事敦叶音低我政事一埤遺平聲我我入自外室人

交徧推反徧祖咸反我脂文已焉哉天實為之謂之何哉

北門三章

北風其涼雨雪其雱惠而好我攜手同行

音杭陽部

其虛

其音徐既亟只且

魚部

北風其喟雨雪其霏惠而好我攜手同歸

脂部

其虛其邪既亟只且

莫赤匪狐莫黑匪烏惠而好我攜手同車其虛其邪

既亟只且

魚部

北風三章

靜女其姝昌菴反俟我于城隅伐菴反愛而不見搔首踟

蹰池藍反

侯部

靜女其變貽我彤管音捲彤管有煒說懌女美脂部

自牧歸荑叶美洵美且異匪女之為美脂部美人之

貽去聲之部

靜女三章

新臺有泚河水瀰瀰燕婉之求蘧條不鮮叶音璽支

○支弟七脂弟八元弟十故得借用

新臺有酒音蘇河水浼浼音免燕婉之求蘧條不殄

文元殄从殄聲古屬文部元弟通韵○殄从殄聲古屬文部元弟

魚網之設鴻則離音羅之燕婉之求得此戚施音婁

新臺三章

二子乘舟汎汎其^音願言思子中心養養^{陽部}

二子乘舟汎汎其^{時例}願言思子不瑕有害^{胡例}

部

二子乘舟二章

鄘風

汎彼柏舟在彼中^河髮彼兩髦實惟我^儀之^音

矢靡^他歌^部○一三句可作母也^天因^{只不諒人只}

慎部

汎彼柏舟在彼河^側聲^入髮彼兩髦實維我^特徒力^反

之^矢靡^他力^反母也^天只不諒人只

柏舟二章

牆有茨不可埽

音叟

也中菁之言不可道

徒叟反

也所

可道也言之醜也

幽部

牆有茨不可覓

也中菁之言不可詳

也所可詳也言

之長也

陽部

之長也

陽部

牆有茨不可束

也中菁之言不可讀

也所可讀也言

之厚也

侯部

之厚也

侯部

牆有茨三章

君子偕老副笄六珈

音歌

委委佗佗

如山如河

象服

是宜

音儀

子之不淑云如之何

歌部

玼兮玼兮其之翟

去聲當作狄說見總論

也鬢髮如雲不屑髻

說文

也玉之璫

與天協反

也象之珩也揚且之璜

去聲

也胡然而天

反

鐵因也

貞部

胡然而帝也

歌支通韵从說文則在本

部

○歌第六支第七庚得通用

嗟兮嗟兮其之展

平聲

也蒙彼縹緜是繼

音煩也

子之清揚揚且之頤

音言

也展如之人兮邦之媛

平聲

也
元部

君子偕老三章

爰采芣苢之榮矣云誰之思美孟姜矣期我乎桑

中要我乎上宮

中部二句一

送我乎淇之上

平聲矣陽部

爰采麥明通反矣沫之北音逼矣云誰之思美孟弋矣

之部期我乎桑中要我乎上宮送我乎淇之上矣上與

章遙
韵

爰采芣矣沫之東矣云誰之思美孟庸矣東部期我

乎桑中要我乎上宮送我乎淇之上矣

桑中三章

鶉之奔奔鶉之疆疆人之無良我以為兄虞王反陽部

鶉之疆疆鶉之奔奔人之無良我以為君文部

鶉之奔奔二章

定之方中作于楚宮中部揆之以日作于楚望樹之

榛(栗)椅桐梓(漆)爰伐琴瑟師入聲

升彼(虛)上聲矣以望(楚)矣魚部望楚與(堂)景山與(京)

音姜降觀于(桑)卜云其吉終焉允(臧)陽部

靈雨既(零)命彼倌(人)星言夙駕稅于桑(田)徒因反匪直

也(人)秉心塞(淵)一均反陳北三(干)音親眞部

定之方中三章

蠨蛸在東莫之敢(指)女子有行遠父母兄(弟)脂部

朝濟于西崇朝其(雨)女子有行遠兄弟父母之魚借韻說見

總論

乃如之(人)也懷昏(姻)也大無(信)平聲也不知(命)平聲

也 眞部

蝦蟇三章

相鼠有皮

音婆

人而無儀

音俄

人而無儀不忝何爲

音謁歌部

相鼠有齒

人而無止

人而無止

不忝何俟

之部

相鼠有體

人而無禮

人而無禮

胡不遄死

脂部

相鼠三章

子子于旄

在浚之郊

皆部

素絲紕

之良馬

四之彼姝

者子何以

界之

脂部

子子于旄

在浚之郊

素絲組

之良馬

五之彼姝者子

何以^予上聲之魚部

子子干旌在浚之城耕部素絲祝之良馬六之彼姝

者子何以省音格之幽部

干旌三章

載馳載驅音薩歸唁衛侯侯部驅馬悠悠言至于漕

音愁大夫跋涉我心則憂幽部

既不我嘉不能旋反視爾不臧我思不遠元部既不

我嘉不能旋濟視爾不臧我思不閱脂部

陟彼阿丘言采其藟音芷女子善懷亦各有行音杭

許人尤之衆穉且狂陽部

我行其野芃芃其麥明逼反控于大邦誰因誰極極大夫
君子無我有尤音怡百爾所思不如我所之之部
載馳四章

衛風

瞻彼淇奧綠竹猗猗音阿有匪君子如切如磋如琢
如磨歌部瑟兮音噫兮赫兮音噫兮有匪君子終不
可諼上聲兮元部

瞻彼淇奧綠竹青青有匪君子充耳琇瑩會弁如星
耕部瑟兮音赫兮赫兮音赫兮有匪君子終不可諼兮
瞻彼淇奧綠竹如簣莊盆反有匪君子如金如錫如圭

如璧支部寬兮綽兮猗重戰兮善戲謔兮不為虐兮
宵部

淇奥三章

考槃在淵音餌碩人之寬音圈獨寐寤言永矢弗諼
元部

考槃在阿碩人之過獨寐寤歌永矢弗過歌部
考槃在陸碩人之軸獨寐寤宿永矢弗告音枯 幽部

考槃三章

碩人其碩叶音衣錦褰衣齊侯之子衛侯之妻東宮
之妹邢侯之姊譚公維私脂文 借韻

手如柔荑脂部膚如凝脂脂部領如蝤蛴脂部齒如瓠犀脂部螓首蛾眉脂部

巧笑倩兮美目盼兮噴去今文耕合韵三文十一耕故得合用

碩人教說于農郊四牡有驕朱幘鏤翟茀以朝朝

大夫夙退無使君勞勞宵部

河水洋洋北流活活胡說施罝滅滅音威鱣鮪發發發

聲廢入葭莢揭揭庶姜孽孽庶士有揭祭部

碩人四章

氓之蚩蚩抱布貿絲匪來貿絲來即我謀謨不送子反

涉淇至于頓丘音欺匪我愆期子無良媒謨不將子反

無怒秋以為期之部

乘彼坻①垣以望復①關 音涓不見復①關泣涕漣①漣既見

復①關載笑載言爾卜爾筮體無咎言以爾車來以我

賄①遷 元部

桑之未①落 盧入聲其葉沃①若 如入聲于嗟鳩兮無食桑

①甚 平聲于嗟女兮無與士①耽 多森反士之耽兮猶可

①說也女之耽兮不可①說也 祭部

桑之落矣其黃而①隕 平聲自我徂爾三歲食①貧 文部

淇水湯湯漸車維①裳女也不①爽 平聲士貳其①行 音抗

士也①罔①極二三其①德 丁力反

三歲為婦靡室①勞矣夙興夜寐靡有①朝矣言既遂矣

至于暴矣兄弟不知咥其笑矣靜言思之躬自悼矣

宵部

及爾偕老老使我怨淇則有岸

音彥

隰則有泮

音片

總角之宴言笑晏晏

音宴

信誓旦旦

反丁見

不思其反

去聲元部反是不思亦已焉哉

音茲之部

氓六章

籊籊竹竿以釣于淇豈不爾思遠莫致之

之部

泉源在左淇水在右

音以

女子有行遠父母

反滿以

兄

弟

當从石經作遠兄弟父母之部

淇水在右泉源在左巧笑之瑳

上聲

佩玉之璫

上聲當作

歌部

幽部

竹竿四章

支部

脂部

葉音部類

遂兮垂帶悸兮

蒹 蘭 二 章

平聲

背
部

河廣二章

伯兮音藎 邦之桀兮祭部 伯也執殳市藎反 為王前驅

音藎 侯部

自伯之東 首如飛蓬 豈無膏沐 誰適為容東部

其雨其雨 杲杲出日 願言思伯 甘心首疾脂部

焉得諼草 言樹之背兵備反 願言思伯 使我心痗明備反

伯兮四章

有狐綏綏 在彼淇梁 心之憂矣 之子無裳陽部

有狐綏綏 在彼淇厲列去聲 心之憂矣 之子無帶丁祭例反

部

有狐綏綏在彼淇^側舊入聲心之憂矣之子無^服扶逼反之

有狐三章

投我以木^瓜音孤報之以瓊^琚魚部匪^報布瘦也永

以爲^好虎瘦也

投我以木^桃報之以瓊^瑤宵部匪^報也永以爲^好也

投我以木^李報之以瓊^玖音己之部匪^報也永以爲^好也

木瓜三章

王風

彼黍離^離音羅彼稷之^苗行邁靡^靡音摩中心搖

搖宵部

知我者謂我心憂不知我者謂我何求

幽部

悠悠蒼天

鐵因反

此何人哉

眞部

彼黍離離彼稷之穗行邁靡靡中心如醉

脂部

知我

者謂我心憂不知我者謂我何求悠悠蒼天此何人

哉

彼黍離離彼稷之實行邁靡靡中心如噎

音壹脂部

知我

者謂我心憂不知我者謂我何求悠悠蒼天此何人

哉

黍離三章

君子子役不知其期曷至哉

音茲

雞棲于塙日之夕

矣牛羊下來

音釐

君子于役如之何勿思

之部

君子于役不日不月

音厥

曷其有佾

音厥

雞棲于桀日之

夕矣牛羊下

音厥

君子于役苟無飢渴

音竭

祭部

君子于役二章

君子陽陽

左執

右招我由房

陽部

其樂只且

与下章遙

韻

君子陶陶

左執

右招我由敖

幽宵通韻

○幽弟二宵弟三故得通用

其樂只且

君子陽陽二章

揚之水不流束

薪

彼其之子不與我戍

申

真部

懷危胡

反哉懷哉曷月予還歸哉脂部

揚之水不流束楚彼其之子不與我戍甫魚部
懷哉

懷哉曷月予還歸哉

揚之水不流束蒲上聲彼其之子不與我戍許魚部

懷哉懷哉曷月予還歸哉

揚之水三章

中谷有蓷嘆其乾音鮮矣有女訛離嘒其歎他連反矣

嘒其歎矣遇人之艱難奴言反矣元部

中谷有蓷嘆其脩矣有女訛離條其歎音修矣條其

歎矣遇人之不淑平聲矣幽部

中谷有蓷嘆其①涇矣有女叱離嘒其②泣矣嘒其③泣矣
何嗟及矣緝部

中谷有蓷三章

有兔爰爰雉離于④羅我生之初尙無爲音譌我生之

後逢此百⑤羅音羅尙寐無吽歌部

有兔爰爰雉離于⑥罔去聲我生之初尙無造徂瘦反我

生之後逢此百⑦憂去聲尙寐無覺古瘦反

有兔爰爰雉離于⑧置我生之初尙無庸我生之後逢

此百⑨凶尙寐無聰東部

兔爰三章

縣縣葛藟協弟在河之漘終遠兄弟脂部謂他人父

謂他人父亦莫我顧上聲魚部

縣縣葛藟在河之漘終遠兄弟謂他人母滿以謂他反

人母亦莫我有音以之部

縣縣葛藟在河之漘終遠兄弟謂他人昆謂他人昆

亦莫我聞文部

葛藟三章

彼采葛音擗兮一日不見如三月兮祭部

彼采蕭音修兮一日不見如三秋兮幽部

彼采艾藥去聲兮一日不見如三歲兮祭部

采葛三章

大車檻

胡儼反

毳衣如

音節

豈不爾思畏子不敢

音檢
談部

大車嘽嘽毳衣如

元文○瑞
通韻

萬得聲古屬元部元弟
十文弟十一故得通用

穀則異室外則同穴

胡楠反

謂予不信有如皦日

脂部

大車三章

丘中有

音摩

彼留子

音雞

彼留子嗟將其來施

音娑

歌部

丘中有

明逼反

彼留子

古逼反

彼留子國將其來食

之部

丘中有李彼留之子彼留之子貽我佩玖音已之部

丘中有麻三章

鄭風

緇衣之左音俄兮敝子又改爲音譌兮歌部適子之

館音眷兮還子授子之采才見反兮元部

緇衣之好呼叟反兮敝子又改造此叟反兮幽部適子之

采兮還子授子之采兮

緇衣之陳徐入聲兮敝子又改作租入聲兮魚部適子之

館兮還子授子之采兮
緇衣三章

將仲子兮無踰我里○無折我樹杞○豈敢愛之畏我父

母○滿以反仲可懷○胡危反也父母之言亦可畏○平聲也

將仲子兮無踰我園○無折我樹桑○豈敢愛之畏我諸

兄○虛王反仲可懷○也諸兄之言亦可畏○也

將仲子兮無踰我園○無折我樹杞○徒連反豈敢愛之畏

人之多言○元部仲可懷○也人之多言亦可畏○也

將仲子三章

叔于田○徒人反巷無居人○豈無居人○不如叔也洵美且

仁○眞部

叔于狩○上聲巷無飲酒○豈無飲酒○不如叔也洵美且

好

呼更反
幽部

叔適野

音字

巷無服馬

音姥

豈無服馬不如叔也洵

美且武

魚部

叔于田三章

叔于田乘乘馬執轡如組兩驂如舞叔在藪火烈具

舉禮褻暴虎獻于公所將叔無狃戒其傷女

魚部

叔于田乘乘黃兩服上襄兩驂鴈行

音杭

叔在藪火

烈具揚

陽部

叔善射

音豫

忌又良御忌

魚部

抑磬控

忌抑縱送忌

東部

叔于田乘乘馬

音振

兩服齊首兩驂如手叔在藪火

烈具阜

幽部

叔馬慢

音面

忌叔發罕

音現

忌

元部

釋擲忌抑

蒸部

大叔于田三章

清人在

彭

音旁

駟介旁

如字

二矛重英

音央

河上

乎駟

陽部

清人在消駟介庶二矛重喬河上乎逍遙

宵部

清人在

駟

平聲

駟介陶陶

徒愁反

左旋右抽

中軍作好

呼愁反

清人三章

羔裘如

濡

汝蘆反

洵直且侯

彼其之子舍命不渝

喻蘆反

侯

部

羔裘豹飾孔武有力彼其之子邦之司直之部

羔裘晏音彦兮三英才見兮彼其之子邦之彥兮

元部

羔裘三章

遵大路兮摯執子之袂去聲兮無我惡兮不寔故也

魚部

遵大路兮摯執子之手兮無我醜上聲兮不寔好呼

反也幽部

遵大路二章

女曰雞鳴士曰昧日反丁見子興視夜明星有爛音練

將翱將翔弋鳬與鴈音彥元部

弋言加音歌之與子宜音俄之歌部宜言飲酒與子

偕老反盧叟琴瑟在御莫不靜好呼叟反

知子之來音釐之雜佩以贈江氏以為之部知子

之順之雜佩以間之文部知子之好呼瘦反之雜佩以

報布瘦之幽部

女曰雞鳴三章

有女同車顏如舜華音剪將翱將翔與姜佩玉瓊琚

彼美孟姜陽部洵美且都魚部

有女同行音杭顏如舜英音央將翱將翔佩玉將將

彼美孟姜德音不忘陽部

有女同車二章

山有扶蘇隰有荷華不見子都乃見狂且魚部

山有橋松隰有游龍不見子充乃見狡童東部

山有扶蘇二章

蘊蘊兮風其吹音礎女叔兮伯補入兮魚部

倡予和平聲女歌部

蘊蘊兮風其漂女叔兮伯兮倡予要女宵部

蘊蘊兮二章

彼狡童兮不與我言兮惟子之故使我不能餐音遷

兮元部

彼狡童兮不與我食兮惟子之故使我不能息兮之部

狡童二章

子惠思我褰裳涉澌子不我思豈無他人眞部狂童

之狂也且與下章遙韻

子惠思我褰裳涉洧子不我思豈無他士之部狂童

之狂也且

褰裳二章

子之丰去聲兮俟我乎巷音衡兮悔予不送兮東部

子之昌兮侯我乎堂兮悔予不將兮

陽部

衣錦褰衣裳錦褰裳叔兮伯兮駕予與行

音杭陽部

裳錦褰裳衣錦褰衣叔兮伯兮駕予與歸

脂部

丰四章

東門之墀茹蘆在阪其室則邇其人甚遠

元部

東門之栗有踐家室豈不爾思子不我即

脂部

東門之墀二章

風雨淒淒雞鳴喈喈

音飢

既見君子云胡不夷

脂部

風雨瀟瀟

音修

雞鳴膠膠

音樛

既見君子云胡不瘳

幽部

風雨如晦

呼部反

雞鳴不已既見君子云胡不喜

之部

風雨三章

青青子衿悠悠我心縱我不往子寧不嗣

侵部音

青青子佩

音部

悠悠我思縱我不往子寧不來

音部

挑兮達兮

他折反

今在城闕兮一日不見如三月兮

祭部

子衿三章

揚之水

與弟協

不流束楚終鮮兄弟

脂部

維予與女無

信人之言人實廷女

魚部

揚之水不流束薪終鮮兄弟維予二人無信人之言

人實不信

平聲與部

揚之水二章

出其東門有女如雲雖則如雲匪我思存縞衣綦巾

聊樂我員

文部

出其閶闔有女如荼雖則如荼匪我思且縞衣茹蘆

聊可與娛

魚部

出其東門二章

野有蔓草零露漙漙

徒遠反

兮有美一人清揚婉兮邂逅

相遇適我願

上聲

兮元部

野有蔓草零露漙漙有美一人婉如清揚邂逅相遇

與子偕臧

陽部

野有蔓草二章

溱與洧方渙

音喚

兮士與女方秉

音見

兮元部

女曰觀乎士曰既且且往觀乎

魚部

洧之外洵訏且

樂維士與女伊其相贈之以芍藥

宵部

溱與洧瀏其清矣士與女殷其盈矣

耕部

女曰觀乎

士曰既且且往觀乎洧之外洵訏且樂維士與女伊

其相贈之以芍藥

溱洧二章

齊風

雞既鳴矣朝既盈矣匪雞則鳴蒼蠅之聲

耕部

東方明音芒矣朝既昌矣匪東方則明月出之光部
蟲飛蒙甘與子同夢平聲會且歸矣無庶子子憎
蒸部

雞鳴三章

子之還音旋兮遭我乎狺之閉音餌兮竝驅從兩肩

兮揖我謂我儻兮元部

子之茂上聲兮遭我乎狺之道徒更反兮竝驅從兩牡

兮揖我謂我好呼更反兮幽部

子之昌兮遭我乎狺之陽兮竝驅從兩狼兮揖我謂

我臧兮陽部

還三章

俟我于著

平聲

乎而充爾以素

平聲

乎而尙之以瓊

瑩

羣

音羣

乎而

魚部

俟我於庭

乎而充耳以青

乎而尙之以瓊瑩

乎而

耕部

俟我於堂

乎而充耳以黃

乎而尙之以瓊瑩

英

音央

乎

而陽部

著三章

東方之日

兮彼姁者子在我室

兮在我室

兮履我卽

卽

脂部

東方之月

兮彼姝者子在我闥

反

他折

兮在我闥

兮履

東方之月

兮彼姝者子在我闥

反

他折

兮在我闥

兮履

我發聲廢入兮祭部

東方之日二章

東方未明音茫顛倒衣裳陽部顛之倒去聲之自公

召之宵部

東方未晞顛倒裳衣脂部倒之顛德因反之自公平聲

之眞部

折柳樊圃去聲狂夫瞿瞿不能辰夜音豫不夙則莫

魚部

東方未明三章

南山崔崔粗威反雄狐綏綏魯道有蕩齊子由歸既曰

歸止曷又懷胡危反止脂部

葛屨五兩與蕩協冠綬雙疏工反止魯道有蕩陽部齊子

庸止既曰庸止曷又從止東部

裁麻如之何橫從其畝滿以反取妻如之何必告父母

全上既曰告止曷又鞠止幽部

析薪如之何匪斧不克枯力反取妻如之何匪媒不得

丁力反既曰得止曷又極止之部

南山四章

無田甫田徒人反維莠騶騶無思遠人員部勞心忉

忉宵部

無田甫田維莠稂稂無思遠人勞心怛怛叶丁折反祭元通韵

○怛从旦聲古屬元部祭弟九元弟十故得通用

婉兮婉兮總角音眷兮未幾見兮突而升兮元部

甫田三章

盧令令其人美且仁貞部

盧重環音懸其人美且鬋元部

盧重鋲譏不反其人美且偲之部

盧令三章

敝笱在梁其魚魴魴音貝齊子歸止其從如雲文部

敝笱在梁其魚魴魴齊子歸止其從如雨魚部

敝笱在梁其魚唯唯

上聲

齊子歸止其從如水

脂部

敝笱三章

載驅薄薄

薄入聲

簟第朱

朱入聲

魯道有蕩齊子發夕

徐入聲
魚部

四驪濟濟

垂轡滿

魯道有蕩

齊子豈弟

脂部

汶水湯湯

行人彭彭

音有

魯道有蕩齊子騶騶

陽部

汶水滔滔

行人儻儻

魯道有蕩齊子遊敖

幽部

載驅四章

猗嗟

自今頎而長

兮抑若揚

兮美目揚

兮巧趨

兮

射則臧兮

陽部

猗嗟名兮美目清兮儀既成兮終日射侯不出正兮

展我甥兮

耕部

猗嗟變兮清揚婉兮舞則逸兮射則貫

音眷

兮四矢

反兮以禦亂

音戀兮元部

猗嗟三章

魏風

糾糾葛屨可以履絳摻摻女手可以縫裳

陽部

要之

補之好人服

扶通之反之部

好人提提宛然左辟佩其象揅維是褊心是以爲刺

支部

葛屨二章

彼汾沮洳言采其芣彼其之子美無度美無度殊異

乎公路魚部

彼汾一方言采其桑彼其之子美如英音央美如英

殊異乎公行音杭陽部

彼汾一曲言采其葍彼其之子美如玉美如玉殊異

乎公族侯部

汾沮洳三章

園有桃其實之穠心之憂矣我歌且謠不知我者謂

我士也驕宵部彼人是戩音茲子曰何其心之憂矣

其誰知之其誰知之蓋亦勿思之部

園有棘其實之會心之憂矣聊以行國古通反不知我者謂我士也罔極之部彼人是哉子曰何其心之憂矣其誰知之其誰知之蓋亦勿思

園有桃二章

陟彼岵兮瞻望父兮魚部父曰嗟予子句行役風夜

無已上慎旃哉猶來無止之部

陟彼屺兮瞻望母滿以反兮之部母曰嗟子季句行役

風夜無寐上慎旃哉猶來無棄脂部

陟彼岡兮瞻望兄虛王反兮陽部兄曰嗟子弟句行役

風夜無寐音几上慎旃哉猶來無之部

陟岵三章

十畝之閒

音飢

兮桑者閑

閑

胡連反

兮行與子

還

音旋

兮

无部

十畝之外

月去聲

兮桑者泄

泄

拽去聲

兮行與子

逝

時例反

兮

祭部

十畝之閒二章

坎坎伐檀

徒連反

兮寘之河之干

干

音飢

兮河水清且

漣

漣

猗不稼不穡胡取禾三百廛兮不狩不獵胡瞻爾庭

有縣

縣

兮彼君子兮不素餐

餐

音遷

兮

元部

坎坎伐輪

方逼反

兮寘之河之側

側

苗入聲

兮河水清且

直

直

猗不稼不穡胡取禾三百億兮不狩不獵胡瞻爾庭
有縣特徒力反兮被君子兮不素食兮之部

坎坎伐輪兮寘之河之漘兮河水清且淪猗不稼不
穡胡取禾三百困兮不狩不獵胡瞻爾庭有縣鶉兮
彼君子兮不素飧兮文部

伐檀三章

碩鼠碩鼠無食我黍三歲貫女莫我肯顧上聲逝將

去女適彼樂土樂土樂土爰得我所魚部

碩鼠碩鼠無食我麥明通反三歲貫女莫我肯德丁力反

逝將去女適彼樂國古通反樂國樂國爰得我直之部

碩鼠碩鼠無食我苗三歲貫女莫我官勞逝將去女
適彼樂郊樂郊樂郊誰之永號宵部

碩鼠三章

唐風

蟋蟀在堂歲聿其莫去聲今我不樂日月其除去聲無已

太康職思其居去聲好樂無荒良士瞿瞿魚部

蟋蟀在堂歲聿其逝時何反今我不樂日月其邁茂去聲

無已太康職思其外月去聲好樂無荒良士嘽嘽祭去聲

蟋蟀在堂役車其休他愁反今我不樂日月其慆祭去聲無已

大康職思其憂好樂無荒良士休休幽部

蟋蟀三章

山有栲

昌隆反

隰有栭

喻董反

子有衣裳弗曳弗褻子有

車馬弗馳弗驅

音蕭

宛其死矣他人是愉

喻董反

山有栲

苦吏反

隰有杝

子有廷內弗洒弗埽

音吏

子有

鐘鼓弗鼓弗考

苦吏反

宛其死矣他人是保

音保

子有

山有栲隰有杝子有酒食何不日鼓瑟

師入聲

且以喜

樂且以永日宛其死矣他人久室

肅部

山有栲三章

揚之水白石粼粼素衣朱綌從子于沃

鳥殿反

子云何不樂

音郎

子云何不樂

音郎

子云何不樂

音郎

子云何不樂

音郎

子云何不樂

音郎

揚之水白石皓皓何瘦反素衣朱繡從于于鸛反瘦既

見君子云何其憂去聲幽部

揚之水白石粼粼我國有命平聲不敢以告人真部

揚之水三章

椒聊之實蕃衍盈升彼其之子碩大無朋蒸部椒聊

音流且遠條徒由反且幽部

椒聊之實蕃衍盈升彼其之子碩大且篤幽部椒聊

且遠條且

椒聊二章

綢繆束紉三星在天天錡因反今夕何夕見此良人于今

子兮如此良人何貞部

綢繆束獨音獨三星在隅俄隄反今夕何夕見此邂逅

平聲子兮子兮如此邂逅何侯部

綢繆束楚三星在戶今夕何夕見此綯者音清子兮

子兮如此綯者何魚部

綢繆三章

有杕之杜其葉湑湑獨行踽踽豈無他人不如我同

父魚部嗟行之人胡不比焉人無兄弟胡不飲焉脂部

有杕之杜其葉菁菁獨行景景文選注引作焚焚當从之豈無他

人不如我同姓平聲嗟行之人胡不比焉人無兄弟

胡不休焉

秋杜二章

重

去聲

羔裘豹褰自我人居居豈無他人維子之故

魚部

羔裘豹褰自我人究究豈無他人維子之好

呼瘦反

羔裘二章

肅肅鴝鵒集于苞栩王事靡盬不能蓺稷黍父母何

怙悠悠蒼天曷其有所

魚部

肅肅鴝鵒集于苞栩王事靡盬不能蓺黍稷父母何

食悠悠蒼天曷其有極

之部

肅肅鴝鵒行

音杭

集于苞桑王事靡盬不能蓺稻梁父

母何嘗悠悠蒼天曷其有常

陽部

鵲羽三章

豈曰無衣七兮不如子之衣安且吉吉兮

脂部

豈曰無衣六兮不如子之衣安且燠燠兮

幽部

無衣二章

有杕之杜生于道左彼君子兮噬肯適我

歌部

中心

叶呼好之曷飲食之

之幽○之弟一幽弟
通韻○二故得通用

有杕之杜生于道周彼君子兮噬肯來遊

幽部

中心

好之曷飲食之

有杕之杜二章

葛生蒙楚楚藟蔓于野

音宇

予美亾此誰與獨處

魚部

葛生蒙棘棘藟蔓于域予美亾此誰與獨息

之部

葛枕

才見反

兮錦衾爛

音練

兮予美亾此誰與獨旦

丁見反元部

夏之日冬之夜

音豫

百歲之後歸于其居

去聲魚部

冬之夜夏之日百歲之後歸于其室

脂部

葛生五章

采芣采芣首陽之嶺

德因反

人之爲言苟亦無信

平聲眞部

舍旃舍旃苟亦無然人之爲言胡得焉

元部

采芣采芣首陽之下

音戶

人之爲言苟亦無與

魚部

舍旃舍旃苟亦無然人之爲言胡得焉

采芣采芣首陽之東人之爲言苟亦無從東部舍旃

舍旃苟亦無然人之爲言胡得焉

采芣三章

秦風

有車鄰鄰有馬白顛德反未見君子寺人之令平聲

阪有漆隰有栗既見君子竝坐鼓瑟所入聲今者不樂

逝者其耄徒一反

阪有桑隰有楊既見君子竝坐鼓簧今者不樂逝者

其亡陽部

車鄰三章

駟騶孔阜六轡在手公之媚子從公于狩

上聲幽部

奉時辰牡辰牡孔碩

蜎人聲

公曰左之舍拔則獲

胡入聲魚部

部

游于北園四馬既閑

胡連反

輶車鸞鑣載猷馭驕

宵部

駟騶三章

小戎儻收五檠梁輶

幽部

游環脅驅

音陸

陰鞿鑿續

文茵暢轂駕我騏驎

音燭

言念君子溫其如玉在其

板屋亂我心曲

侯部第 三句連上讀作幽侯合韵亦可

四牡孔阜六轡在手

幽部

騏驎是中騶駼是驂

粗森反中

侵合中十六侵十龍盾之合胡急塗以餽奴急

言念君子溫其在邑糾部方何爲期胡然我念之之部

餞駟孔羣音純公矛鏐文部蒙伐有斂此句連上讀作元文通韵亦可

魚音虎賁鏐膺交韞二弓竹閉緹言念君子載寢

載興厭厭良人秩秩德音蒸侵通韵○蒸十七侵十八故得通用

小戎三章

蒹葭蒼蒼白露爲霜所謂伊人在水一方遡洄從之

道阻且長遡游從之宛在水中央陽部

蒹葭淒淒白露未晞所謂伊人在水之湄遡洄從之

道阻且躋遡游從之宛在水中坻脂部

蒹葭采采

此止反

白露未已所謂伊人在水之涘遡洄

從之道阻且右

音以

遡游從之宛在水中沚之部

蒹葭三章

終南何有

音以与止協

有條有梅

謨丕反

君子至止錦衣狐

裳

音其

顏如渥丹其君也哉

音茲之部

終南何有有紀有堂君子至止黻衣繡裳佩玉將將

壽考不怨

陽部

終南二章

交交黃鳥止于棘誰從穆公子車奄息維此奄息百

夫之特

徒力反

臨其穴

胡橋反

惴惴其慄

脂部

彼蒼者

天鐵因反殲我良人如可贖兮人百其身眞部

交交黃鳥止于桑誰從穆公子車仲音枕維此仲

行百夫之防陽部臨其穴惴惴其慄彼蒼者天殲我

良人如可贖兮人百其身

交交黃鳥止于楚誰從穆公子車鍼虎維此鍼虎百

夫之禦魚部臨其穴惴惴其慄彼蒼者天殲我良人

如可贖兮人百其身

黃鳥三章

駛彼晨風鬱彼北林未見君子憂心欽欽侵部如何

如何忘我實多歌部

山有苞栳勞入聲 隔有六駟 未見君子憂心靡樂宵部

如何如何忘我實多

山有苞栳 隔有樹樾 未見君子憂心如醉脂部 如何

如何忘我實多

晨風三章

豈曰無衣與解 與子同袍蒲愁反 王于興師 脰部修我

戈矛與子同仇幽部

豈曰無衣 與子同澤徒入聲 王于興師 修我矛戟居入聲

與子偕作租入聲

豈曰無衣 與子同裳 王于興師 修我甲兵榜平聲 與子

偕行

音杭陽部

無衣三章

我送舅氏曰至渭陽何以贈之路車乘黃

陽部

我送舅氏悠悠我思何以贈之瓊瑰玉佩

音邳之部

渭陽二章

於我乎夏屋渠渠今也每食無餘于嗟乎不乘權輿

魚部

於我乎每食四簋

音九

今也每食不飽

音操陽部

于嗟乎

不承權輿

權輿二章

陳風

子之湯

去聲

兮宛丘之上兮洵有情兮而無望兮

陽部

坎其擊鼓

宛丘之下

音戶

無冬無夏

音戶

值其墮

羽部

魚部

坎其擊缶宛丘之道

徒史反

無冬無夏值其鷺

全上幽部

宛丘三章

東門之枌宛丘之栩子仲之子婆娑其下

音戶魚部

穀旦于差

音確

南方之原

叶音

不績其麻

音庫

市也

婆娑

康元借韵

穀旦于逝

時例反

越以醵

醵去聲祭部

覯爾如也

音求

貽

我握椒

音喉 幽部

東門之枌三章

衡門之下可以棲遲泌之洋洋可以樂飢

脂部

豈其食魚必河之魴豈其取妻必齊之姜

陽部

豈其食魚必河之魴豈其取妻必宋之子

之部

衡門三章

東門之池

音泥

可以漚麻

音摩

彼美淑姬可與晤歌

歌部

東門之池可以漚紵彼美淑姬可與晤語

魚部

東門之池可以漚管

音飢

彼美淑姬可與晤言

元部

東門之池三章

東門之楊其葉牂牂昏以為期明星煌煌陽部

東門之楊其葉肺肺不吠反昏以為期明星哲哲折去聲祭

部

東門之楊二章

墓門有棘斧以斯之夫也不良國人知之支部知而

不已誰昔然矣之部

墓門有梅有鵲止夫也不良歌以訊叶音之脂文借韻

訊予不顧上聲顛倒思予上聲魚部

墓門三章

防有鵲巢邛有旨茗誰侑予美心焉切切
宵部

中唐有璣邛有旨鵲誰侑予美心焉惕惕
支部

防有鵲巢二章

月出皎兮佼人僚兮上聲兮舒窈窕兮叶音矯兮勞心悄兮

幽宵通韻

月出皓兮何叟反佼人慄兮音柳舒懷受兮上聲勞心

慄兮此叟反
幽部

月出昭兮佼人燎兮去聲舒夭紹兮當從五經文字勞心慘

作兮
宵部

月出三章

胡爲乎株^林從夏^南反奴森匪適株^林從夏^南侵部

駕我乘^馬音姥說于株^野音字乘我乘^駒反孤薩朝會

于^株知薩反侯部

株林二章

彼澤之陂^{音波}有蒲與荷有美一人傷如之何寤寐

無^爲音鵠涕泗漙^汙歌部

彼澤之陂有蒲與^荷音荷有美一人碩大且^卷寤寐

無爲中心惓^惓元部

彼澤之陂有蒲菡^萏音居有美一人碩大且^儼寤寐

無爲輾轉伏^枕叶音展侵○侵十八談十九故得通用

澤陂三章

相風

羔裘逍遙狐裘以朝豈不爾思勞心忉忉宵部

羔裘朝朝狐裘在堂豈不爾思我心憂傷陽部

羔裘如膏去聲日出有曜豈不爾思中心是悼宵部

羔裘三章

庶見素冠音滑兮棘人欒欒音攀兮勞心博博徒元反

兮元部

庶見素衣兮我心傷悲兮聊與子同歸兮脂部

庶見素褱兮我心蘊結音吉兮聊與子如一兮脂部

素冠三章

隰有萋楚猗儺其枝天之沃沃樂子之無知支部

隰有萋楚猗儺其華音勞天之沃沃樂子之無家音姑

魚部

隰有萋楚猗儺其實天之沃沃樂子之無室脂部

隰有萋楚三章

匪風發聲今匪車偈今顧瞻周道中心恒漢書王吉傳引

作兮祭元通韵从漢書則在本部

匪風飄今匪車嘒今顧瞻周道中心弔並讀兮宵部

誰能亨魚漑之金誰將西歸懷之好音侵部

匪風三章

曹風

蜉蝣之羽衣裳楚楚心之憂矣於我歸處魚部

蜉蝣之翼采采衣服扶通反心之憂矣於我歸息之部

蜉蝣掘閱麻衣如雪心之憂矣於我歸說入聲祭部

蜉蝣三章

彼侯人兮荷戈與禡丁吠反彼其之子三百赤帶方吠反祭部

部

維鵜在梁不濡其翼彼其之子不稱其服扶逼反

維鵜在梁不濡其味侯部彼其之子不遂其媾侯部

圖叶音兮脂祭南山朝脂婉兮元部兮季女

斯脂部

候人四章

鴈鳩在桑其子七兮淑人君子其儀一兮其儀一兮

心如結音吉兮脂部

鴈鳩在桑其子在梅謨不反淑人君子其帶伊絲其帶

伊絲其弁伊騶之部

鴈鳩在桑其子在棘淑人君子其儀不忒他力反其儀

不忒正是四國古逼反

鴈鳩在桑其子在桮淑人君子正是國人一正是國人一

胡不萬年

奴四反 眞部

鴈鳩四章

冽彼下泉

与歎 陽部

浸彼苞稂

愾我寤歎

他連反 元部

念彼周

京

音姜 陽部

○

彼音簾与我 字作句中韵

冽彼下泉

浸彼苞蕭

音修

愾我寤歎

念彼京周

幽部

冽彼下泉

浸彼苞著

愾我寤歎

念彼京師

脂部

芃芃黍苗

陰雨膏之

四國有王

郇伯勞之

宵部

下泉四章

幽風

七月流火

音緩

九月授衣

上聲 脂部

一之日觴

發

廢入 聲

二

之日栗烈無衣無褐

胡折反

何以卒歲

音雪祭部

三之日于

耜四之日舉趾同我婦子饁彼南畝

滿以反

田畯至喜

之部

七月流火九月授衣

見上

春日載陽有鳴倉庚

音岡

女執懿筐遵彼微行

音杭

爰求柔桑

陽部

春日遲遲

采芣苢女心傷悲殆及公子同歸

脂部

七月流火八月萑葦

脂部

蠹月條桑取彼斧斨

斨以伐

遠揚猗彼女桑

陽部

七月鳴鵙

八月載績

支部

載元

載黃我朱孔陽為公子裳

陽部

四月秀麥五月鳴蜩

幽宵通韻

○小正作四月秀幽則与

部同 八月其穫胡入聲 十月隕穫珠入聲 一之日于貉

取彼狐狸音其 爲公子裘之部 二之日其同載績武功言

私其獫狁獻豸于公東部

五月斯螽動股音字 六月莎雞振羽七月在野音字 八月

在宇音戶 九月在戶十月蟋蟀入我牀下音戶 穹窒熏鼠

塞向瑾戶嗟我婦子曰爲改歲入此室處三句一

六月食鬱及薺七月亨葵及菽八月剝棗子反 十月

穫稻徒反 爲此春酒音 以介眉壽音孤 七月食瓜音孤

八月斷壺九月叔苴采荼新樛食我農夫魚部

九月築場音故 十月納禾音故 黍稷重穆叶音 禾麻

菽麥

明通反之
幽通韵

嗟我農夫我稼既同上入執公功

東部

晝爾于茅

音矛

宵爾索綯

徒愁反
幽部

亟其乘屋其始播

百穀

侯部

二之日鑿冰冲冲三之日納于凌陰

中侵合韵

四之日其

蚤

子叟反

獻羔祭韭

幽部

九月肅霜十月滌場

朋酒斯

饗

平聲

曰殺羔羊躋彼公堂稱彼兕觥

音光

萬壽無

疆

陽部

七月八章

鴝鵒鴝鵒

宵部

既取我子

之侯借韵

無毀我室

上聲脂部

恩斯

斯斯子之

平聲

斯文部

迫天之未陰雨徹彼桑土綢繆牖戶今女下民或敢

侮予上聲魚部

予手拮据予所將棊予所蓄和予口卒堵曰予未有

室家音姑魚部

予羽譙譙予尾脩脩注疏作消消予室翹翹風雨所漂搖

子維音曉曉幽宵通韻○脩从攸聲古屬幽部从注疏則在本部

鴟鴞四章

我徂東山音仙惻惻不歸叶音涓脂元合韻○脂弟八元弟十故得合用

我來自東零雨其濛東部我東曰歸我心西悲制彼

裳衣勿士行杻音迷脂部蜎蜎者蠋烝在桑野音宇敦彼

獨宿

獨宿可作幽度合韻

亦在車下

音戶魚部

我徂東山怛怛不歸我來自東零雨其濛果臝之實

与室叶

亦施于宇伊威在室

脂部

蠨蛸在戶

魚部

叮噉

鹿場熠燿宵行

音杭陽部

亦可畏

平聲

也伊可懷

胡威反

也

脂部

我徂東山怛怛不歸我來自東零雨其濛鵲鳴于垤

徒一反

婦嘆于室洒埽穹窒我征聿至

入聲脂部

有敦瓜苦

烝在栗薪自我不見于今三年

奴因反眞部

我徂東山怛怛不歸我來自東零雨其濛倉庚于飛

与歸協

熠燿其羽之子于歸

脂部

皇駁其馬

音姑魚部

親結

其綈

音羅

九十其儀

音俄

其新孔嘉

音歌

其舊如之

何

歌部

東山四章

既破我斧又缺我斨周周公東征四國是皇哀我人斯

亦孔之將

陽部

既破我斧又缺我鍬

渠何反

周公東征四國是吡哀我

人斯亦孔之嘉

音歌歌部

既破我斧又缺我鉞周公東征四國是適哀我人斯

亦孔之休

幽部

破斧三章

伐柯如何匪斧不克枯力反取妻如何匪媒不得丁力反

伐柯伐柯其則不遠我邁之子邁豆有醴元部

伐柯二章

九罭之魚鱗魴我觀之子衮衣繡裳陽部

鴻飛與歸協遵渚公歸脂部無所於女信處魚部

鴻飛遵陸公歸不復於女信宿幽部

是以與以有衮衣兮無以我公歸兮無使之部我心

悲兮脂部

九罭四章

狼跋其胡

与膚協

載寔其尾公孫碩膚

魚部

赤舄几几

脂部

狼蹙其尾載跋其胡公孫碩膚德音不瑕

音胡魚部

狼跋二章